

Թուլթուլնի, որ մուլս կու խմէին, այս է՝ ի բերանն առնել և ի դուրս տալ, զայս տեսեալ թագաւորին՝ չկամէր թէ խմէին: Եւ ի յԱթմէյտանն ևս նոյնպէս զմիուսն զլուրս հատեալ:

Եւ երեկոյիս Վարդապետն ի յՕրթաքօյն գնաց եւ ես գնացի ի ժամ և ընդ Մղտեսուն գնացաք ի տուն, և անտի իմ ելեալ ի տուն գնացի:

Դչի օր (21 Մայիս): Երեկոյիս ի Սուրբ Նիկողոս գնացի եւ տեսի զի Սաչատուր եկեալ էր՝ աշակերտ Ուրհայեցի Ովանէս վարդապետին:

Եչի օր (22 Մայիս) գնացի ի ժամ: Օրս զայմախսանն հինա էլչուն պատիւ արաւ ի պաղչա Հասան Ղալֆաին:

Երեկոյիս Նոխուտճի Տէր Անդրէասին տղան Մեղքիսէթ էրէցն զկին իւր ծեծելով պառաչէր և կանչէր ի վերայ նորա, և սահմանակից և զրացիք նորա ժամանեալ անդ, և գնացելոցն զօմանս հայհոյեալ և զօմանս անարգեալ. քանզի զայս առնէր հանապազ որ գինովանայր՝ ամենեցուն, որպէս անցեալ տարիս ի յեկեղեցին մեր հայհոյեաց զԵղիազար վարդապետն, հաւատ եւ օրէնք բազումս անարգեալ. եւ զայս տեսեալ ժողովրդոցն նորա՝ ելին ի ժողովրդենէ և եղեն այլում: Եւս այսօր եղև այս և չունէր երես թէ գայր յեկեղեցին:

Եւ առաւօտուս Ուրբաթ (23 Մայիս): Երեկոյիս ի Պարմադափուն և այլ Ա. Բ անուանի տեղին զողք կախեցին, որ ի վաղուց գործէին զչարիս, և բազումք են եղեալ ընկերօք, որ և անցեալ Կչիս զօմանս ի թին տեալ, և այժմ յայտնեցաւ չարութիւն սոցա, որ Զ տարոյ կորուսեալ ըզգակ գտաւ ի քով սոցա, որ բերեալ էին բեռամբ ի մօտ սուպաշուն:

Շաբաթ (24 Մայիս) առաւօտուս ի ժամ: Եւ բազում թօփեր նետեցին վասն զնալոյ թագաւորին ի Քէհատխանան ի սէյր: